



Broj: 09/1-_____/18
Kakanj, _____ 2018. godine

INFORMACIJA O STANJU ZAŠTITE OD POŽARA I VATROGASTVA NA PODRUČJU OPĆINE KAKANJ U 2017. GODINI

UVOD

Zaštita od požara i vatrogastvo čine sastavni dio jedinstvenog sistema zaštite i spašavanja ljudi i materijalnih dobara od prirodnih nepogoda i drugih nesreća, koji je uređen Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/3, 22/06 i 43/10) i Zakonom o nadležnostima kantonalnih organa Zeničko-dobojskog kantona u oblasti zaštite i spašavanja ljudi i materijalnih dobara od prirodnih i drugih nesreća („Službene novine Zeničko-dobojskog kantona“, broj: 9/08), pa se zbog toga zaštita od požara i vatrogastvo organiziraju i funkcioniraju u okviru tog sistema, a vrši se i na način predviđen Zakonom o zaštiti od požara i vatrogastvu („Službene novine Federacije BiH“, broj: 64/09) te kantonalnim Zakonom o zaštiti od požara i vatrogastvu („Službene novine Zeničko-dobojskog kantona“, broj: 05/11).

Osnovni nosilac organiziranja i provođenja zaštite od požara je Općina kao jedinica lokalne samouprave i Kanton koji je odgovoran za ta pitanja na području kantona.

ORGANIZACIJA I FUNKCIONIRANJE ZAŠTITE OD POŽARA

U skladu sa obavezama iz člana 16. Zakona o zaštiti od požara i vatrogastvu („Službene novine Federacije BiH“, broj: 64/09), Općina organizuje Profesionalnu vatrogasnu jedinicu Općine, odnosno Grada za gašenje požara, te osigurava kadrovske, materijalne, tehničke i druge uslove koji su potrebni za uspješno i efikasno funkcionisanje te jedinice, u skladu sa ovim zakonom i propisima Općine, odnosno Grada.

Zaštita od požara se organizira i provodi u svim stambenim i drugim zgradama i objektima i na svim prostorima koji se smatraju građevinama prema članu 36. Zakona o prostornom planiranju i korištenju zemljišta na nivou Federacije Bosne i Hercegovine („Službene novine Federacije BiH“, broj: 2/06, 72/07 i 32/08) i Uredbi o tehničkim svojstvima koje građevine moraju zadovoljavati u pogledu sigurnosti te načina korištenja i održavanja građevina („Službene novine Federacije BiH“, broj: 29/07 i 51/08) koji prema procjeni ugroženosti od požara mogu biti izloženi opasnostima od izbijanja i širenja požara.

Te građevine i prostori su:

- 1) građevine trajno povezane sa tlom koje se sastoje od građevinskog sklopa ili od građevinskog sklopa i ugrađene opreme, kao i samostalna postrojenja trajno povezana sa tlom,
- 2) saobraćajne, vodoprivredne i energetske građevine i površine sa pripadajućim instalacijama, telekomunikacijske građevine i instalacije, građevine i instalacije komunalne infrastrukture,
- 3) proizvodne i druge privredne građevine i postrojenja, skladišta, sajmišta i slične građevine,
- 4) objekti na vodnim površinama (ribogojilišta, plutajuće platforme i sl.),
- 5) trgovi, javne površine, javne zelene površine, igrališta, sportske građevine, groblja, deponije otpadaka, javne pijace, skloništa i slične građevine.

Zaštita od požara se organizira i provodi i za šume, šumska i poljoprivredna zemljišta i ostale prirodne resurse. Zaštitu od požara dužni su da organiziraju i provode pravna i fizička lica, državni organi Federacije, kantona, grada i općine i druge institucije koji su vlasnici ili korisnici građevina i prostora (vlasnici ili korisnici građevina i prostora). Zaštitu od požara dužni su da organiziraju i provode i građani u svojim stanovima i stambenim zgradama (kućama) i drugim objektima i prostorima koje koriste za svoje potrebe.

Federalno ministarstvo unutrašnjih poslova i kantonalna ministarstva unutrašnjih poslova vrše poslove inspekcijskog nadzora nad provođenjem mjera zaštite od požara određenih federalnim zakonom („Službene novine Federacije BiH“, broj: 64/09) i planovima zaštite od požara kao i nad provođenjem propisa o tehničkim normativima i standardima koji se odnose na zaštitu od požara. Inspektori organa unutrašnjih poslova dužni su pri vršenju inspekcijskog nadzora ostvarivati odgovarajuću saradnju sa inspektorima iz Federalne, odnosno kantonalne uprave civilne zaštite u cilju rješavanja pitanja od zajedničkog interesa.

ORGANIZACIJA I FUNKCIONISANJE VATROGASTVA

Na području općine Kakanj formirana je Profesionalna vatrogasna jedinica Kakanj (u daljem tekstu: PVJ Kakanj) koja broji 20 profesionalnih vatrogasaca sa sjedištem u naselju Doboj, ul. Imamovića br.1. Jedinica je smještena u Vatrogasnom domu Doboj koji je sagrađen u skladu sa standardima i u potpunosti odgovara potrebama i radu vatrogasne jedinice. Pored navedenog, renoviran je i Vatrogasni dom u Kraljevoj Sutjesci koji se povremeno koristi i u kojem nemamo stalno vatrogasno dežurstvo.

Pored PVJ Kakanj na području općine Kakanj djeluje i Udruženje „Vatrogasno društvo Kakanj“ Kakanj, smješteno u Vatrogasnom domu Doboj, ul. Imamovića br.1, naselje Doboj, općina Kakanj i koje ima 25 vatrogasaca. Pored navedenih, u sklopu JP EP BiH – Podružnica TE „Kakanj“ Kakanj, postoji formirana i Služba za sigurnost i zaštitu TE „Kakanj“ koja broji 6 vatrogasaca.

Rad Profesionalne vatrogasne jedinice Kakanj organiziran je na temelju stalnih dežurstava i to tako da se u stalnom dežurstvu nalaze po tri ili četiri uposlana vatrogasca. Dojava požara se može vršiti telefonom i lično. Pored operativnog broja telefona 123 (032/558-793) uvijek je u sjedištu vatrogasne jedinice u Vatrogasnom domu Doboj prisutan dežurni vatrogasac koji zaprima pozive, iste evidentira u knjigu dežurstva i poziva ostale članove Profesionalne vatrogasne jedinice Kakanj (PVJ Kakanj) radi eventualne intervencije.

Kada Profesionalna vatrogasna jedinica Kakanj (PVJ Kakanj) primi dojavu ili obavijesti o požaru, na mjesto događaja izlazi dežurna ekipa vatrogasaca, dok se druga grupa stavlja u pripravnost pozivom od strane rukovodioca smjene. U slučajevima većih požara rukovodilac akcije gašenja požara vrši procjenu i obavještava starješinu PVJ Kakanj o potrebi angažovanja ostalih pripadnika PVJ Kakanj.

Ako starješina vatrogasne jedinice koji rukovodi akcijom gašenja požara ocijeni da angažiranom jedinicom, sredstvima i opremom nije u mogućnosti uspješno završiti intervenciju, o tome odmah obavještava rukovodioca Službe civilne zaštite Općine. Rukovodilac te službe dužan je odmah na osnovu raspoloživih podataka odlučiti o angažiranju ispostave zajedničke PVJ Kantona i dobrovoljnih vatrogasnih jedinica sa područja općine na gašenju požara.

Ako angažirane vatrogasne jedinice nisu dovoljne za izvršenje vatrogasne intervencije, u tom slučaju rukovodilac Službe civilne zaštite dužan je odmah narediti angažiranje odgovarajućih snaga civilne zaštite koje je organizirala Općina i istovremeno vrši aktiviranje općinskog Štaba civilne zaštite radi rukovođenja akcijom zaštite i spašavanja na području koje je ugroženo požarom, što Štab civilne zaštite vrši na način kako je to utvrđeno članom 95. Federalnog Zakona o zaštiti od požara i vatrogastvu („Službene novine Federacije BiH“, broj: 64/09).

STANJE OPREMLJENOSTI PROFESIONALNE VATROGASNE JEDINICE KAKANJ

Opremljenost PVJ Kakanj treba da bude takva da omogućava uspješno obavljanje vatrogasne djelatnosti, a izbor opreme i sredstava zavisi od procjene ugroženosti od požara i požarnog opterećenja općine.

Kontinuirano se radi na materijalnom opremanju PVJ Kakanj, tako da se svake godine nabavi određena tehnička i zaštitna oprema. Tako je u 2017. godini nabavljena namjenska oprema u vrijednosti 4.084,50 KM iz sredstava naknada za zaštitu od požara i vatrogastva u 2017. godini i to:

- Čizme zaštitne (3 komada)
- Pjenilo za gašenje požara

U 2018. godini za Profesionalnu vatrogasnu jedinicu općine Kakanj (PVJ Kakanj) planirana je nabavka opreme i tehničkih sredstava u vrijednosti od 30.000,00 KM i to:

- Radna uniforma (20 komada),
- Radne majice (50 komada),
- Vatrogasni šljem (8 komada),
- Stabilna spojka 75 (5 komada),
- Oprema za posadu čamaca (2 komada),
- Nosila (1 komad),
- Naprtnjača (10 komad)
- Vatrogasno crijevo 52 mm (12 komada),
- Vatrogasno crijevo 75 mm (5 komada),
- Stručno obučavanje i osposobljavanje vatrogasaca,
- Redovni servis vozila,
- Investiciona izgradnja, opremanje i održavanje objekata za potrebe vatrogasne jedinice

Uz investicionu izgradnju, održavanje opreme i sredstava neophodno je u narednom periodu planirati kapitalne investicije u svrhu nabavke specijalnih vatrogasnih vozila za brze intervencije i obnavljanja vozila za podršku cisterne, pokretne krevete (ležajeve na duvanje) u slučaju zbrinjavanja velikog broja ugroženih ljudi usljed prirodnih i drugih nesreća, zatim i nabavka profesionalnog dvogleda kao i druga neophodno potrebna oprema.

U tabeli u nastavku dat je pregled materijalno – tehničkih sredstava koja su na raspolaganju vatrogasnim jedinicama na teritoriji općine Kakanj, uključujući PVJ Kakanj i Udruženje „Vatrogasno društvo Kakanj“ Kakanj.

Redni broj	Naziv opreme	Količina opreme (kom)
Lična oprema vatrogasca		
1	Izolacioni aparati	10
2	Mobilne radio stanice	3
3	Ručne radio stanice	9
4	Stabilne radio stanice	1
5	Radni opasači	22
6	Zaštitne uniforme	20
7	Radne uniforme	20
8	Šljemovi	22
9	Zaštitne čizme	20
10	Zaštitne cipele	20
Vatrogasna vozila		
11	Navalno kombinovano	1
12	Cisterne	3
13	Tehnička vozila	1
14	Automehaničke ljestve 30m	1
Ostala oprema		
15	Pumpe 400-600 l/min „HONDA“	4
16	Elektrogenerator	2
17	Pila za beton	1
18	Čamci	2
19	Top – monitor	1
20	Brentača	1
21	Naprtnjača	10
22	Kukače	1
23	Rastegače	2
24	Mehaničke	2
25	φ 52 mm/ metara	300
26	φ 75 mm/ metara	150
27	Pila za drvo	2
28	Pumpa muljarica	1

**STANJE OPREMLJENOSTI SSIZ JP EP BiH – PODRUŽNICA TE „KAKANJ“
KAKANJ**

Budući da u sastav vatrogasnih snaga općine Kakanj pored Udruženja „Vatrogasno društvo Kakanj“ Kakanj ulazi i Služba za sigurnost i zaštitu TE „Kakanj“ u nastavku je dat pregled MTS- a koje posjeduje ova Služba.

Redni br.	POPIS VATROGASNE OPREME SSIZ TE „KAKANJ“
1.	Vozilo kombi „VW“, godište 1998, snaga 55 KW, Dizel
2.	Vozilo „TAM – 5500“, kombinovano voda/pjena, godina proizvodnje 1972, broj sjedišta 7
3.	Vozilo „FAP – 13“ S prah 4.000 kg, godina proizvodnje 1979, broj sjedišta 3
4.	Vatrogasna pumpa – Prenosna „RUGGERINI“, dizel L/ 1min:800 Bara:8, Obrtaja:2800/ 1min, godina proizvodnje 2004, tip:RD270
5.	Vatrogasna pumpa „Wolkswagen ziegler benzin polo“, tip din en 1928 FPN 10/1000 – 10/1500 MIN 4980/5250 L/1 min 1000/1500 bara 17 Pa/min – bara 10.
6.	Ostala vatogasna oprema i sredstva (naprtnjače, izolacioni aparati, PRO – PAK za gašenje požara pjenom i ostala stabilna vatrogasna oprema).

Na osnovu Odluke Općinskog vijeća Kakanj („Službene novine Općine Kakanj“ broj: 12/14) o davanju na privremeno korištenje prostorija Vatrogasnog doma Doboj Udruženju „Vatrogasno društvo Kakanj“ Kakanj, date su na privremeno korištenje prostorije Vatrogasnog doma Doboj, na vremenski period od pet (5) godina bez naknade a koje su isti opremili za svoj rad. Ovo Udruženje posjeduje zaštitnu opremu za vatrogasce ali ne raspolažu sa voznim parkom.

Na 38. sjednici Općinskog vijeća Kakanj, održanoj 29. 12. 2015. godine usvojena je ažurirana planska dokumentacija iz oblasti zaštite od požara – Procjena ugroženosti i Plan zaštite od požara općine Kakanj.

U Planu zaštite od požara Općine odnosno Kantona određuju se pravna lica koja su dužna osnovati sopstvenu dobrovoljnu ili profesionalnu vatrogasnu jedinicu ili na drugi način osigurati zaštitu od požara. To su pravna lica u kojima se proizvode, prerađuju, distribuiraju ili skladište zapaljive, eksplozivne i ostale opasne materije, shodno članu 81. Zakona o zaštiti od požara i vatrogastvu („Službene novine Zeničko-dobojskog kantona“, broj: 05/11, u daljem tekstu: ZOP ZDK), u kojima zbog djelatnosti koje obavljaju postoji povećana opasnost od nastanka požara ili eksplozija, što se reguliše na osnovu odredbi člana 23. istog Zakona koji govori o razvrstavanju građevina u odgovarajuće kategorije ugroženosti od požara.

Pored benzinskih pumpi koje su po članu 23. ZOP ZDK svrstane u kategoriju požarne ugroženosti PU1 i sljedeća pravna lica na području općine Kakanj spadaju u PU1:

- JP EP BiH – Podružnica TE „Kakanj“ Kakanj
- JP EP BiH – ZD RMU „Kakanj“ d.o.o. Kakanj
- JP ŠPD ZDK d.o.o. Zavidovići – PJ Kakanj
- Tvornica cementa Kakanj d.d. Kakanj
- Delibašić – Poliuretani d.o.o. Kakanj
- Plama - Pur BH d.o.o. Kakanj
- JP Željeznice FBiH d.o.o. Sarajevo – PJ Kakanj
- JP Autoceste FBiH d.o.o. Mostar, - A1


Osim JP EP BiH – Podružnica TE „Kakanj“ Kakanj, navedeni privredni subjekti koji su svrstani u kategoriju požarne ugroženosti PU1 prema raspoloživim podacima nemaju formiranu profesionalnu ili dobrovoljnu vatrogasnu jedinicu ili na drugi način osiguranu zaštitu od požara, niti imaju sklopljen ugovor sa Općinom Kakanj odnosno Službom civilne zaštite oko pružanja vatrogasnih usluga.

INTERVENCIJE PROFESIONALNE VATROGASNE JEDINICE

Prema podacima sa kojima raspolaže Služba civilne zaštite Općine Kakanj i PVJ Kakanj na području općine Kakanj u periodu od 01.01. do 31.12.2017. godine je evidentirano ukupno 250 požara i 15 intervencija za prevoz vode i sapiranje, odnosno sveukupno 265 intervencije.

U tabeli u nastavku je dat pregled požara i ostalih intervencija u 2017. godini po vrsti/tipu:

Vrsta intervencije	Broj intervencija
Stambeni objekti	11
Gašenje dimnjaka	22
Gašenje zapaljenih automobila	4
Gašenje stogova sijena	0
Gašenje smeća u kontejnerima	33
Otvoreni požari (nisko rastinje, trava)	95
Tehničke intervencije	29
Deponija smeća	0
Pomoćni objekti	8
Industrijski objekti	1
Plinske boce	0
Željeznički pragovi	0
Šumski požari	35
Požari elektro instalacija	3
Gašenje zapaljenih kamiona	0
Elementarne nepogode	6
Saobraćajna nesreća	2
Požar štala	0
Lažna dojava	1
Željeznička lokomotiva	0
Prevoz vode i sapiranje	15
UKUPNO	265



Iz tabelarnog pregleda se vidi da je najveći broj intervencija zabilježen na gašenju otvorenih požara (nisko rastinje, trava) posebno u periodu od februara do maja. Ugradnjom podzemnih kontejnera bio je zabilježen pad broja požara u kontejnerima u 2016. godini, ali je došlo do ponovnog povećanja prvenstveno zbog odlaganja luga iz kotlovnica na gradskom području i vađenja smeća iz kontejnera, dok je u zadnje dvije godine primijećeno povećanje broja požara dimnjaka na stambenim objektima.


Služba CZ tokom cijele godine a posebno u proljetnim mjesecima poduzima niz mjera u cilju smanjenja ove pojave. Redovno se vrši obavještanje i upozoravanje građana putem lokalnih medija, upućuju dopisi savjetima mjesnih zajednica i relevantnim subjektima (Policajska stanica, Šumarija, inspekcije), kao preventivne mjere a za pojedinačne slučajeve traži se od inspekcija shodno Odluci o organiziranju i funkcioniranju zaštite od požara i vatrogastvu („Službene novine Općine Kakanj“, broj: 06/13) da djeluju i represivno u cilju smanjenja ovih požara.

U toku 2017. godine iako nisu zabilježeni duži sušni periodi i visoke temperature bili su izraženi djelomični problemi u vodosnadbijevanju na lokalitetima naselja: „Ričica, Slapnica, Pavlovići, Živalji, Bištrani i dr.“, gdje je bila intenzivirana doprema vode dok je u nekim drugim mjesnim zajednicama bilo manje odvoza vode.


U tabeli u nastavku dat je pregled požara po vrsti/tipu u periodu od 5 godina:

Vrsta intervencije	Broj intervencija					Požar po vrsti intervencije
	2013	2014	2015	2016	2017	
Stambeni objekti	3	12	12	6	11	44
Gašenje dimnjaka	1	9	12	18	22	66
Gašenje zapaljenih automobila	22	4	12	8	4	50
Gašenje stogova sijena	2	3	8	1	0	14
Gašenje smeća u kontejnerima	29	29	36	23	33	150
Otvoreni požari (nisko rastinje, trava, borova šuma)	11	26	35	26	95	193
Tehničke intervencije	22	19	6	21	29	97
Deponija smeća	4	12	8	0	0	34
Pomoćni objekti	0	0	0	9	8	17
Industrijski objekti	2	4	4	0	1	11
Plinske boce	0	0	1	0	0	1
Željeznički pragovi	0	0	0	0	0	0
Šumski požari	13	20	17	15	35	100
Požari elektro instalacija	2	1	3	3	3	12
Gašenje zapaljenih kamiona	0	6	0	0	0	6
Elementarna nepogoda	7	17	6	1	6	37
Saobraćajna nesreća	8	5	2	1	2	18
Požar štala	1	3	2	1	0	7
Lažna dojava	2	2	1	3	1	9
Željeznička lokomotiva	0	1	0	0	0	1
Prevoz vode i sapiranje	4	33	60	43	15	155
Ukupno intervencija po godinama	133	206	225	179	265	1008


Intervencije PVJ u vremenskom periodu 2013-2017




Stambeni objekti




Šumski požari




Gašenje smeća u kontejnerima



Otvoreni požari (nisko rastinje, trava)



Gašenje dimnjaka



PRIJEDLOG MJERA ZA POBOLJŠANJE STANJA ZAŠTITE OD POŽARA U OPĆINI KAKANJ

Općina Kakanj treba u kontinuitetu nastaviti opremanje i osposobljavanje PVJ Kakanj za izvršenje zadataka iz oblasti zaštite od požara i vatrogastva u skladu sa Pravilnikom i Okvirnim ličnim i materijalnim formacijama. Pored sredstava od naknade za vatrogastvo u skladu sa Odlukom o organiziranju i funkcioniranju zaštite od požara i vatrogastva („Službene novine Općine Kakanj“, broj: 06/13) treba iznaći mogućnosti izdvajanja budžetskih sredstava za nabavku i obnovu voznog parka PVJ Kakanj, a prvenstveno navalnog vozila za gašenje požara voda – pjena.

Kontinuirano provoditi sve propisane preventivne mjere u oblasti zaštite od požara, posebno u stambenim objektima i javnim objektima gdje se očekuje veći broj građana, one koje doprinose sprečavanju izbijanja šumskih požara, požara na otvorenom prostoru i drugih vrsta požara.

Prema Federalnom zakonu zaštite od požara i vatrogastvu („Službene novine Federacije BiH“, broj: 64/09), shodno članu 26. istog Zakona, Općinsko odnosno gradsko vijeće svojom odlukom uređuje organizaciju i rad dimnjačarske djelatnosti, rokove čišćenja dimnjaka, uslove za vršenje dimnjačarske službe i druga pitanja od značaja za obavljanje dimnjačarske djelatnosti te obavljanje nadzora nad radom dimnjačarske službe. U tom kontekstu neophodno bi bilo urediti odgovarajući rad dimnjačarske službe, posebno jer je od strane Općinskog vijeća Kakanj donesena Odluka o dimnjačarskoj djelatnosti („ Službene novine Općine Kakanj“, broj: 11/17).

Za učinkovito i uspješno djelovanje vatrogasaca od trenutka uzbunjivanja, početka intervencija, lokaliziranja i gašenja požara, potrebno je uz dosadašnji sistem veza i broj stabilnih, mobilnih i prenosnih uređaja, raditi na nadogradnji tog sistema i nabavci novih modernijih uređaja za potrebe vatrogasnih jedinica Općina Kakanj treba da radi na dodatnom popunjavanju i podmlađivanju kadrova i njihovom adekvatnom obučavanju, opremanju i osposobljavanju.

Pravna lica dužna su svojim općim aktom a u skladu sa vrstom djelatnosti koju obavljaju i procesom rada, urediti pitanja koja se odnose na organizaciju i funkcioniranje zaštite od požara u svojim objektima i to sukladno odredbama člana 24. ZOP ZDK. Pravna lica koja da sada nisu izradile opći akt odnosno Pravilnik o zaštiti od požara, isti moraju što prije izraditi. Za provođenje preventivnih mjera zaštite od požara moraju rasporediti zaposlenika koji je obavezan položiti ispit za protivpožarnu zaštitu po posebnom propisu pred nadležnom komisijom. U svim pravnim licima gdje postoji opasnost od požara i eksplozija, kao i građevinama i prostorima gdje se okuplja ili boravi veći broj ljudi, obavezno sprovesti sistem aktivne zaštite od požara.

Shodno Zakonu o zaštiti od požara i vatrogastvu Federacije BiH („Službene novine Federacije BiH“, broj: 64/09), u članu 88. istog zakona određuju se pravna lica koja su dužna osnovati vatrogasnu jedinicu ili na drugi način osigurati zaštitu od požara. Obavezu na osnovu

pomenutog člana imaju pravna lica u kojima se proizvode, prerađuju, distribuiraju ili skladište zapaljive, eksplozivne i ostale opasne materije, u kojima zbog toga postoji povećana opasnost od požara ili eksplozija, što se određuje prema propisu iz člana 29. stav 2. ovog Zakona.

U ovom smislu neophodno je da sva pravna lica iz ove grupe izvrše svoje obaveze i formiraju vatrogasne jedinice pravnih lica, prvenstveno iz razloga zaštite ljudi i imovine vlastitog pravnog lica, čime bi istovremeno doprinijeli i jačanju sistema zaštite i spašavanja na čitavom području općine Kakanj kao i šire društvene zajednice a pogotovo jačanju segmenta oblasti zaštite od požara i vatrogastva kao neizostavnog dijela tog sistema.

Periodične akcije uređenja naselja i objekata (čišćenje terena, podruma i drugih mjesta od zapaljivih otpadnih tvari) te sezonskih radova (uređenje zemljišta i spaljivanje otpadaka) se trebaju provoditi najmanje jednom godišnje u saradnji sa nadležnim JP „Vodokom“ d.o.o. Kakanj koje se bavi odvozom otpada i Savjetima mjesnih zajednica kako bi se preventivno djelovalo u smislu zaštite od požara o čemu se obavještava Služba civilne zaštite. Potrebno je inicirati aktivnosti da se u svim stambenim objektima postave aparati za gašenje početnih požara te da se isti redovno servisiraju, što je najbolja preventiva za sprečavanje širenja požara u ovim objektima.

U skladu sa programiranjem razvoja zaštite od požara i vatrogastva potrebno je kontinuirano raditi na razvijanju svijesti odnosno edukaciji građana u cilju podizanja nivoa zaštite od požara i vatrogastva.

S poštovanjem !

**Pomoćnik Općinskog načelnika
Službe civilne zaštite**

Nurudin Hrusto

